




ՍՐՏԱԴՈՒՉ ՀԱՆԴԻՊՈՒՄ

Դեկտեմբերի 20-ին, կիրակի օրը, ս. լատարագից հետո, Վեհաբանում Վեհափառ Հայրապետը բարեհաճում է ընդունել այցելությունը Բուխարեստի հայոց երեւմեի Միապրան-Քեսիմյան ազգային վարժարանի Իր նախկին և վաղուց արդեն հայրենաբնակ դարձած 45 ուսանողների, որոնք հայրենիքում ստացել էին իրենց բարձրագույն կրթությունը, ընտանիք կազմել հայրենի խաղաղության և ապահովության պայմաններում և միշտ սիրով և երաստագիտությամբ հիշել նաև իրենց ուսումնառության տարիների քաղցր ու անմոռաց օրերը Բուխարեստի հայկական նախակրթարանի սիրելի հարկի տակ:

Սրտատուշ էր, ուսանելի և հուզիչ տարիներ հետո հայրենի հողի վրա և Ս. Էջմիածնի օրհնյալ կամարների ներքո երեւմեի սիրված դաստիարակ-ուսուցչի և Իր սաների հանելի հանդիպումը:

Հանդիպումն սկսվում է Վեհաբանի հարկի տակ սիրալիր զրույցով և ոգնկոշումովը անցրալի ուսանողական քաղցր կյանքի հիշողություններին:

Ընդունելության ժամանակ, հանուն ներկաների, հետևյալ հուզիչ ուղերձն է կարդում ալժմ արդեն Հայաստանի գիտությունների ակադեմիայի պատմության ինստիտուտի ավագ գիտական աշխատող, պատմական գիտությունների թեկնածու Սուրեն Քոլանջյանը.

«Մեր թանկագին և շատ սիրելի Ուսուցիչ,

Ամենայն Հայոց Վեհափառ Հայրապետ Տ. Տ. Վազգեն Ա,

Բուխարեստի Միապրան-Քեսիմյան երեւմեի ազգային վարժարանի Ձերդ Սրբությանը աշակերտած հայրենաբնակ մի խումբ նախկին սաներս, այսօր անսահման ուրախությամբ կիտության ի սրտե շնորհավորել Ձեզ, Ձեր գաճակալության 26-ամյա բարերաստիկ տարեդարձի առթիվ ու կրժաղթենք արեւատություն և նորանոր սրբաբաններ Ձեր եկեղեցւաշեն և հայրենամօլեր քեզմնավոր գործունեությանը:

Մեր հետագա ուսումնառության տարիներին թեև շատ վաստակավոր ուսուցիչներ ենք ունեցել, սակայն Ձեր հմայքն ու մեզ քաշխած հայրենասիրական և մարդասիրական գերագույն պատգամները հավետ անմոռանալի են մնացել մեր մեջ:

Այսօր ավելի քան քառորդ դար է անցել այն օրից, երբ Դուք իբրև ումիմահայ գաղութի արժանավոր զավակն ու պարժանքը, իբրև ազգընտիր գաճակալ, եկաք բազմելու Լուսավորչի 1700-ամյա Միածնաշ գահին: Սակայն ո՛չ ժամանակը և ո՛չ էլ մեր համետ ումերը ի վիճակի են համահայկական նոր զարթոնքին Ձեր քերած քաջատիկ նպատուր քավարաք չափով ուրվագծելու: Այդ անպայման կկատարվի հանգամանակից կերպով մոտ ապագայում, Օրմանյանական «Ազգասպատումի» նոր հավելվածական հատորում:

Այս առթիվ, սակայն, հարկ է ընդգծել, որ իբրև Էջմիածնի գահին աստվածատուր



ՀԱՅՈՑ ՀԱՅՐԱՊԵՏԸ ԲՈՒՆԱՐԵՍԻ ՄԻՍԱՔՅԱՆ-ՔԵՍԻՄՅԱՆ ՎԱՐԺԱՐԱՆԻ ԱՅԺՄ ՀԱՅՐԵՆԱԲՆԱԿ ԻՐ ԱՇԱԿԵՐՏՆԵՐՈՎ
(1981 դեկտեմբերի 20, Վեհարամի այգում)

Հայրապետ, Դուք Ձեր 26-ամյա գործունեության ընթացքում Ամենայն Հայոց Կաթողիկոսության պատմության մեջ դարակազմիկ մի ուկյա շրջան ստեղծեցիք՝ շնորհիվ Ձեր կողմից առատորեն բաշխված Ձեր հոգու և մտքի բազմակողմանի գանձերի:

Դուք իր առաքելության բարձրակետին հասցրիք Հայ Եկեղեցին: Ձերդ Սրբության ամենօրյա հոգատարության շնորհիվ նոր վերելք ապրեց Էջմիածնի միաբանությունը, ամուր հիմքերի վրա դրվեցին հոգևոր ճեմարանն ու հայրենասեր հոգևոր պաշտոնյաներ պատրաստելու գործը: Ձեր բարձր հովանավորությամբ հրատարակվող Մայր Աթոռի պաշտոնաթերթը «Էջմիածին» հանդեսը և մամուլանդ նրա բացառիկ համարներն ու մատենագիտական գործերը նպաստեցին նաև հայագիտության զարգացմանը: Ձեր թելադրությամբ է, որ լույս տեսան Նոր Կտակարանի արևելահայ և արևմտահայ աշխարհաբարի թարգմանությունները, մեծ տպաքանակով: Նշանակալից եղան նաև Ձեր ուղևորություններին նվիրված ուղեգրական հատորները, որոնք կարևոր ատաղձ են դառնալու նաև Հայ Սփյուռքի պատմության ապագա հետազոտողի համար:

Ծանաշողական և գիտական նշանակություն ունեցան Ձեր անմիջական նախաձեռնությամբ արտասահմանում լույս տեսած «Հայկական եկեղեցիներ», «Հայկական խաչքարեր» և այլ բնույթի ալբոմները: Դարձյալ Ձեր արվեստագետի հոգու անմիջական ցոլացումը հանդիսացան հայության գոյատևման անհատը գորաբանակի՝ Մեսրոպյան Այբուբենի և նույնքան փառավոր խաչքարի ոսկեկուռ և թանկագին քարերով ընդելուզված սքանչելի աշխատանքները և գորելենի համար պատրաստված «Իջման տեսիլք», «Հայոց Այբուբեն» և «Վարդանանք» հոյակապ գործերը: Զի կարելի մոռանալ նաև Վեհաբանում հիշարժան տարեթվերի առթիվ Ձեր հոգատարությամբ կազմակերպված գիտական, գրական և երաժշտական սքանչելի երեկոները:

Դուք արժանի կերպով ստացաք Ծիանարար Հայրապետի պատվանունը, քանի որ Ձեր անմիջական նախաձեռնությամբ նոր կյանք ստացան Մայր Աթոռի և նրա մերձակա մեր հոյակապ մյուս կոթողները, որպեսզի կարողանան դիմագրավել եկող դարերին: Ավելին, նոր հոյակապ կոթողներ ևս կյանքի կոչեցիք. Նոր Վեհաբանն ու «Հայկաշեն»-ը, վանատուն-հյուրանոցը և Մայր Աթոռի նոր թանգարանը:

Հայ պատմության ամենաերջանիկ Հայրապետը եղաք, քանի որ, գործելով հայ պետականության գոյության պայմաններում, կարողացաք ոսկե կամուրջ ստեղծել Էջմիածնի ու հայրենիքի և Հայ Սփյուռքի միջև:

Առաջին Ամենայն Հայոց կաթողիկոսը հանդիսացաք, որ հնարավորություն ունեցավ այցի գնալու իր սիրելի հոսիմ ի սփյուռս աշխարհի: Գաղութից գաղութ սեր և միություն քարոզեցիք և հավատ ներշնչեցիք դեպի հայ ժողովրդի ապագան, այդպիսով Ձեր մեծ նպաստը բերելով օտար ափերում հայը հայ պահելու վսեմ գործին: Ձեր տարածած լույսն է, որ շերմացրել է բովանդակ հայության սիրտը և անքակտելի կերպով կապել Ս. Էջմիածնի ու Հայոց մայր երկրի հետ: Ծառերը Ձեր շնորհիվ է, որ ճանաչեցին հայրենիքը, և անգամ մեծ թվով օտարներ այցի եկան՝ տեսնելու Էջմիածինն ու Հայաստանը: Ավելին, Ձեր այցերի ժամանակ հաճախ է, որ առիթ ունեցաք տեսակցելու արտասահմանյան բազմաթիվ երկրների հոգևոր և աշխարհիկ բարձրաստիճան ղեկավարների հետ և դրանով մեծ նպաստ բերեցիք աշխարհով մեկ հայասիրության տարածմանը և խաղաղության ամրապնդման կարևորագույն գործին:

Հայաստանում և Սովետական Միությունում ու արտասահմանում բազում պետություններից Ձեր ստացած բարձր պարգևներն ու շքանշանները լավագույն ապացույց են Ձեր վայելած մեծ հեղինակությանը նաև միջազգային չափանիշով:

Թանկագին Ռուսոցի, վերոհիշյալներով երբեք էլ չեն ավարտվում Ձերդ Սրբության 26-ամյա փառավոր մեծագործությունների թվարկումը: Մեզ հայտնի է, որ Դուք դեռևս մեծ առաքելություններ ունեք կատարելու՝ հանուն մեր ժողովրդի լուսավոր ապագայի:

Մեր անգին Ռուսոցի, Բուխարեստի հայրենաբնակ, ինչպես նաև աշխարհի չորս ծագերում ցրված Ձեր հազարավոր ավագ աշակերտների անունից ի սրտե բարեմաղթում ենք Ձեզ քաջառողջություն և երկար կյանք՝ ի կատար ածելու համար Ձեր մյուս բոլոր գեղեցիկ մտահղացումները ևս՝ ի փառս հայ ժողովրդի և հայ մշակույթի»:

Այնուհետև ներկաներից ոմանք նույնպես իրենց սրտի երախտագիտության քաղցր խոսքն են ասում այս առթիվ, այդ թվում մամուլանդ՝ Հակոբ Առաքելյանը և Ավետիս Փոլադյանը:

Հանդիպման ընթացքում Հայոց Հայրապետի նախկին ուսանողուհի և այժմ արդեն Հայկական ՍՍՀ ժողովրդական արտիս-

տունի Վարդունի Վարդերեսյանը հանդես է գալիս Սրամանթոյի և ռումին բանաստեղծ Միքայել Էմինեսկուի մի շարք թերթվածների արտասանություններով: Բոլոր ներկաները մի պահ նորից վերապրում են իրենց ուսանողական կյանքի քաղցրությունները, երբ հաճախ կազմակերպվում էին նման գրական հանդիսություններ, ամուսնի երեկոներ՝ դեկավարությամբ իրենց դաստիարակ-ուսուցիչ Անն Կարապետ Պալեյանի, որ այժմ Հայոց Հայրապետն է:

Հանդիպման ավարտին խանդավառ մթնոլորտում օրհնության Իր խոսքն է ասում երբեմնի Իր աշակերտներին Հայոց Հայրապետը՝ մաղթանքներ կատարելով նրանց բնտանեկան և հայրենական կյանքում:

Սույն հանդիպումը անցնում է ջերմ և հուզիչ մթնոլորտում՝ մի անգամ ևս իրար կապելով սրտերը երբեմնի Դաստիարակ-Ուսուցչի և Իր սիրելի ուսանողների:

